

SANTO NATALE 2019

Ricordi commossi di un povero asino

(testo autobiografico)

Questa l'è la storia d'on por asinin
Che gh'è capità la gran fortuna
De scaldà col so fiàa quel Santo Bambin
Quand l'è nassù dent la sua cuna.
E de sgropà de la Galilea
La sua cara Mama, su fin in Giudea.
Dopo, de lì, scapà de corsa in Egit
Per tornà indrée, finalmet, in quel sit
De doa serom partì, a Nazarèt,
E alfin fermas, e stà on po' quiet.
Quand som 'rivàa, en podevi propi pù,
Ma l'ho fa volentera per el me car Gesù.
Che quand som butà là, strac 'me on vilan,
Ho sentì sul muson carezzam ona man...
L'era prop Lu, quel caro Bambin
Pensé che sul mus el m'ha dà fin on basin!
Vardé che bellezza, mia cara gent,
Sarò pur on asin, ma som mort propi content!